

B O S N A I H E R C E G O V I N A
FEDERACIJA BOSNE I HERCEGOVINE
U N S K O – S A N S K I K A N T O N
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA

Broj:09-20-1598/21

Dana: 13. 9. 2021. godine

Na osnovu člana 5. Pravilnika o vrstama, kriterijima i načinu raspodjela novčanih sredstava iz Budžeta općine Bosanska Krupa za 2021.godinu - Poticaji za poljoprivredu ("Sl. Glasnik općine Bosanska Krupa", broj: 5/21) Općinski načelnik općine Bosanska Krupa objavljuje:

JAVNI POZIV
za podnošenje zahtjeva za sufinansiranje troškova proizvodnje maline i
sufinansiranje troškova proizvodnje krastavca

I Općinski načelnik objavljuje Javni poziv za podnošenje zahtjeva za sufinansiranje troškova proizvodnje maline i sufinansiranje troškova proizvodnje krastavca .

II Uslovi za ostvarivanje prava

Pravo na korištenje sredstava, a u skladu sa Pravilnikom o vrstama, kriterijima i načinu raspodjele novčanih sredstava iz Budžeta općine Bosanska Krupa za 2021. godinu – Poticaji za poljoprivredu, imaju pravna i fizička lica koja imaju prebivalište na području općine Bosanska Krupa, koji su upisani u Registar poljoprivrednih gazdinstava i Registar klijenata, što se dokazuje uvidom u Registar.

III Posebni uslovi, kriteriji i način realizacije

Pravo na sufinansiranje troškova proizvodnje maline i sufinansiranje troškova proizvodnje krastavca imaju proizvođači koji proizvedu i plasiraju malinu ili krastavac na tržište registriranom prerađivaču ili otkupljivaču.

Visina novčane podrške za proizvedeni i predati kilogram maline ili krastavca predstavlja odnos planiranog iznosa sredstava za ove vrste podrške i ukupno proizvedene – predate količine maline ili krastavca u količini do 5.000 kg po podnešenom zahtjevu proizvođača.

Za ostvarivanje prava na novčanu podršku po objavljenom Javnom pozivu, proizvođači su obavezni uz zahtjev priložiti slijedeću dokumentaciju:

1. Potpisan Ugovor sa prerađivačem ili otkupljivačem
2. Dokaz o predatim količinama maline ili krastavca, potpisan i ovjeren raster otkupa od strane prerađivača ili otkupljivača

Dokumenti koji se predaju trebaju biti originali ili ovjerene kopije.

IV Način izbora korisnika

Po potpunim i pravovremenim zahtjevima podnosioca koji ispunjavaju uslove za ostvarivanje prava, izvršiti će se obračun iznosa novčane podrške nakon čega će Općinski načelnik donijeti Rješenja o odobravanju i isplati sredstava.

Nepotpune i neblagovremene prijave neće se uzimati u razmatranje.

Podnosiocima zahtjeva koji ne ispunjavaju uslove za ostvarivanje prava kao i podnosiocima nepotpunih zahtjeva donijet će se Rješenje o odbijanju a podnosiocima neblagovremenih zahtjeva Rješenje o odbacivanju istog.

Podnosioci zahtjeva na Javni poziv mogu u roku od 15 dana od dana prijema Rješenja o odbacivanju ili odbijanju izjaviti žalbu općinskoj Komisiji za zaštitu ljudskih prava i građanskih sloboda. Odluka Komisije za zaštitu ljudskih prava i građanskih sloboda je konačna te se protiv iste ne može izjaviti žalba.

V Posebne napomene

Zahtjev sa propisanom dokumentacijom se podnosi Službi za obrt, poljoprivredu i poduzetništvo, putem Pisarnice, na obrascu koji se može preuzeti u Centru za pružanje usluga građanima općine Bosanska Krupa.

Podnosioci zahtjeva koji su u proizvodnji imali i malinu i krastavac, podnose pojedinačno zahtjev za svaku proizvodnju.

Rok za podnošenje zahtjeva je 1. 10. 2021. godine.

Javni poziv će biti objavljen putem sredstava informisanja općine Bosanska Krupa; Radia Bosanska Krupa, web stranice općine Bosanska Krupa www.opcinabosanskakrupa.ba i oglasnih ploča općine.

Sve dodatne informacije se mogu dobiti u Službi za obrt, poljoprivredu i poduzetništvo na broj telefona 037 961 460 svakim radnim danom od 08:00 do 15:00 sati.

Obrađivač: Skenderović Asima

OPĆINSKI NAČELNIK
Armin Halitović

Dostaviti:

1. Službena Web stranica općine
2. Radio Bosanska Krupa
3. Oglasne ploče (Bos. Krupa, Bos. Otoka, Jezerski)
4. Služba za obrt, poljoprivredu i poduzetništvo
5. Arhiva